

## Wisconsin Well Woman Medicaid

Tej zaum koj yuav tsim nyog tau txais Wisconsin Well Woman Medicaid yog tias koj koom rau hauv Family Planning Waiver thiab:

- Tau raug ntsuam thiab pom tias koj muaj mob cancer los sis muaj mob ua yuav chiv tau cancer nyob hauv lub tsev me nyuam (cervix), **los sis**
- Tau txais kev tshuaj xyuas ntawm lub mis los hauv Family Planning Waiver thiab kev tshuaj xyuas ntxiv tom qab uas tsis yog los ntawm Family Planning Waiver pom tias muaj mob cancer rau ntawm lub mis, **thiab** raug ntsuam tias yuav tsum tau kev kho mob rau kev mob cancer ntawm lub mis los sis lub tsev me nyuam, los sis kab mob uas yuav chiv tau cancer rau lub tsev me nyuam.

Wisconsin Well Woman Medicaid yuav them tej kev kho mob thiab pab cuam tib yam li Medicaid. Yog xav paub xwm ntxiv tias them dab tsi, saib phau ntawv qhia txog Wisconsin Medicaid Kev Tsim Nyog Thiab Kev Pab Cuam PHC 10025 los sis mus saib hauv Medicaid web site nyob hauv <http://dhfs.wisconsin.gov/medicaid1>.

Yog xav paub seb koj puas tsim nyog tau txais kev pab cuam, hu rau koj tus kws kho mob los sis tsev tshuaj mob uas pab kev caiv tsis pub muaj me nyuam.

### Xav Paub Ntxiv Hu Rau:

- Recipient Services hauv 1-800-362-3002 (Muaj TTY thiab txhais ntawv).
- Koj lub chaw saib kev pab cuam Medicaid hauv zos. Yog xav paub seb lub chaw saib kev pab cuam Medicaid nyob ntawm koj cheeb tsam nyob twg mus saib Department of Health and Family Services lub web site hauv <http://dhfs.wisconsin.gov/medicaid1/contacts/index.htm> los sis hu rau Recipient Services hauv 1-800-362-3002.

Department of Health and Family Services (DHFS) yog ib qho chaw ua hauj lwm thiab pab neeg yam tsis xaiv ntsej xaiv muag. Yog tias koj muaj tej yam tu ncu (disability) thiab xav tau cov ntaub ntawv qhia no ua lwm hom ntawv, los sis xav kom muab txhais ua lwm hom lus, thov hu rau 1-608-266-3356 (suab) los sis 1-888-701-1251 (TTY). Kev pab cuam txhais txhais lus tag nrho yog pab dawb xwb.

Yog muaj lus nug txog cov cai pej xeem, hu rau 1-608-266-9372 (suab) los sis 1-888-701-1251 (TTY).



PHC 10068H (08/06)

## Wisconsin Medicaid Daim Ntawv Meej Tseeb Wisconsin Medicaid Fact Sheet



Family Planning Waiver (FPW) yog ib qho kev pab Medicaid rau cov poj niam hnuv nyoog 15 rau 44 xyoos tau txais tej yam kev pab rau kev caiv tsis muaj me nyuam.

### Cov Kev Pab Uas Kam Them Muaj:

- Kev mus ntsib thawj zaug txog kev caiv tsis muaj me nyuam hauv lub tsev pab cuam
- Kev pab cuam caiv tsis muaj me nyuam thiab tej khoom siv
- Tej yam siv rau kev caiv uas tsis siv khoom
- Kev mus ntsib txog kev caiv tsis muaj me nyuam hauv chaw muag tshuaj
- Kev tshuaj poj niam ncauj tsev me nyuam (pap tests)
- Kev soj ntsuam thiab kho cov mob kis los ntawm kev sib deev (Sexually Transmitted Diseases) thiab lwm yam kev soj ntsuam
- Khi hnyuv me nyuam
- Kev soj ntsuam txhua xyoo thiab tiv thaiv kab mob uas ib txwm muaj los

Yuav kom tsim nyog tau txais kev pab, koj yuav tsum:

- Yog ib tus pej xeem Miskas los sis muaj ntaub ntawv tso cai nyob hauv teb chaws.
- Yog ib tus pej xeem nyob hauv lub xeev Wisconsin.
- Muaj hnuv nyoog 15 rau 44 xyoos.
- Muaj cov nyiaj tau los hauv tsev neeg ua ntej rho se tag nrho tsis pub tshaj 185 feem pua ntawm tseem fvw tus ciam nyiaj tau los rau cov uas tseem txom nyem. (Rau cov uas hnuv nyoog tseem yau (minors), niam txiv cov nyiaj yuav tsis muab suav nrog.)
- Koom tes rau txhua yam uas yuav tsum tau ua hauv Medicaid, thiab,
- Yeej tsis tau txais Medicaid.

Nyiaj txiag khoom vaj khoom tsev tsis raug xam rau qhov kev pab cuam no.

### **Yuav Thov Kev Pab Hauv Family Planning Waiver Li Cas?**

Koj yuav tsum mus tso ntawv thov kev pab hauv Family Planning Waiver ntawm lub chaw saib kev pab cuam Medicaid nyob hauv koj lub zos. Koj mus thov tau los ntawm kev thov hauv xov tooj, xa ntawv thov, thov tim ntsej tim muag, los sis thov online nyob hauv [access.wisconsin.gov](http://access.wisconsin.gov).

Yog nrhiav lub chaw saib kev pab cuam hauv koj lub zos, hu rau Recipient Services hauv 1-800-362-3002 los sis mus saib Medicaid web site hauv <http://dhfs.wisconsin.gov/medicaid1/contacts/index.htm>.

### **“Kev Tsim Nyog Ib Ntus” Rau Family Planning Waiver**

Kev tsim nyog ib ntus rau Family Planning Waiver yog txhais tias ib tug poj niam yuav tau txais kev pab caiv tsis pub muaj me nyuam tam sim ntawd, ua ntej nws tseem tsis tau tso ntawv thov Family Planning Waiver tom lub chaw saib kev pab cuam Medicaid hauv nws lub zos.

Ib tug kws kho mob los sis lub tsev tshuaj mob uas raug tso cai yog tau lus pom zoo los ntawm Medicaid thiab yuav tshuaj tau tias koj puas yuav tau txais qhov kev tsim nyog ib ntus. Koj tus kws kho mob los sis tsev tshuaj mob tej zaum kuj yuav tau raug tso cai lawm. Koj yuav tsum hu rau koj tus kws kho mob los sis tsev tshuaj mob thiab nug seb nws puas muaj cai tshuaj tau tias koj puas yuav tau txais kev pab cuam caiv tsis pub muaj me nyuam sai li sai tau. Yog tias tus kws kho mob los sis tsev tshuaj mob uas koj ntsib tsis yog ib tug kws kho mob los sis tsev tshuaj mob uas raug tso cai, nws yooj yim heev yog yuav mus nrhiav ib tug. Recipient Services hauv 1-800-362-3002 yuav muab tau ib daim ntawv teev npe cov Family Planning Waiver kws kho mob los sis tsev tshuaj mob tag nrho nyob hauv koj cheeb tsam rau koj.

**Lus Tshab:** Yog tias koj tsis tau ua pej xeem Miskas, koj yuav tsum tau mus tso ntaub ntawv thov kev pab hauv Family Planning Waiver tom koj lub chaw saib kev pab cuam Medicaid thiab muab ntawv pov thawj txog koj kev nyob teb chaws rau lub chaw saib kev pab cuam Medicaid.

### **Lub Caij Nyoog Rau Qhov Kev Tsim Nyog Ib Ntus**

Kev tsim nyog ib ntus pib thawj hnuv uas koj tso ntaub ntawv thov qhov kev tsim nyog ib ntus rau Family Planning Waiver thiab ib tug kws kho mob los sis tsev tshuaj mob uas raug tso cai pom tias koj yeej tsim nyog tau txais kev pab cuam. Tus kws kho mob los sis tsev tshuaj mob yuav pab koj teev daim ntawv thov kev pab cuam.

Koj yuav tau txais kev pab cuam mus txog hnuv kawg ntawm ob lub hlis tom qab lub hlis uas koj pib tau txais qhov kev tsim nyog ib ntus.

Yog xav tau kev pab cuam caiv tsis pub muaj me nyuam ntxiv mus, koj yuav tsum tau mus tso ntaub ntawv thov tom koj lub chaw saib kev pab cuam Medicaid. Mus

saib “Yuav Thov Kev Pab Hauv Family Planning Waiver Li Cas?” saum ntej no txog kev tso ntaub ntawv thov.

Piv txwv tias, Jane mus tom lub tsev tshuaj mob thiab nws tus kws kho mob pom tias nws tau qhov kev tsim nyog ib ntus thaum lub 3 hlis (March) hnuv tim 10. Yog tias Jane tsis tso ntaub ntawv thov Family Planning Waiver tom nws lub chaw saib kev pab cuam Medicaid, qhov kev tsim nyog ib ntus yuav xaus rau lub 5 hlis (May) hnuv tim 31.

### **Kev Ceev Lus**

Cov poj niam uas thov los sis tau txais kev pab cuam hauv Family Planning Waiver yuav tau txais cov kev pov hwm li no:

- Tej ntaub ntawv muab xa tau mus rau lwm lub chaw uas tsis yog lub tsev nyob.
- Coj poj niam hnuv nyoog qis dua 18 xyoos yuav tsis raug xa mus rau lub chaw saib cov nyiaj them rau me nyuam (child support agency).
- Niam txiv cov nyiaj yuav tsis raug coj los xam rau kev tsim nyog tau txais kev pab cuam rau cov poj niam hnuv nyoog qis dua 18 xyoos.
- Lub chaw saib kev pab cuam yuav tsis hu los qhia rau niam txiv los sis tus saib xyuas paub.

### **Txais Kev Pab Cuam**

Yog koj raug tshuaj tias koj tau txais qhov kev tsim nyog ib ntus hauv Family Planning Waiver, tus kws kho mob los sis tsev tshuaj mob uas raug tso cai yuav muab ib daim ntawv ID uas siv tau ib ntus rau koj. Daim ntawv no qhia tau tias koj tau raug ntsuam thiab tau qhov kev tsim nyog ib ntus rau Family Planning Waiver. Koj yuav tsum qhia koj daim ntawv rau koj tus kws kho mob los sis tsev tshuaj mob txhua zaus koj txais kev pab cuam.

Tom qab tsis ntev uas koj txais koj daim ntawv ID, koj yuav tau txais daim ntawv “Forward” uas siv rau kev pab cuam hauv Family Planning Waiver. Thaum koj tau txais lawm, siv daim ntawv “Forward” tsis txhob siv daim ntawv ID ntxiv lawm.

Yog tias lub chaw saib kev pab cuam ntsuam tias koj tsis tsim nyog tau txais kev pab cuam hauv Family Planning Waiver, daim ntawv “Forward” yuav raug kaw tom qab qhov kev tsim nyog ib ntus xaus. Koj yuav tsum khaws koj daim ntawv “Forward” cia vim tias yog koj tso ntaub ntawv thov Medicaid/BadgerCare, los sis Family Planning Waiver ib hnuv twg yav tom ntej thiab raug ntsuam tias koj tsim nyog tau txais kev pab cuam, koj yuav siv tib daim ntawv “Forward” mus txais kev pab cuam.

### **Lus Tshab Tshwjxeeb Rau Cov Tseem Yau**

Ib tug me nyuam twg uas tsis txhawj txog tsam nws niam thiab txiv paub tias nws tau thov kev pab cuam yuav tso tau ntaub ntawv thov Medicaid yog tias nws muab tau tej xwm txog nws niam txiv cov nyiaj tau los.